

Fundacion “Adopt an Addict” mester sosten financiero

ORANJESTAD - Fundacion “Adopt an Addict” su “halfway house” “Speransa” ta celebra su prome aña. Riba 28 di April 2010, Fundacion Adopt an Addict a cuminsa cu nan prome “halfway house” cu ta situa na Moko.

E proposito mayor di e cas ta pa tuma e clientenan cu a caba

nan terapia di rehabilitacion den e cas y pa duna e guia apropiada pa e clientenan aki por integra y regresa den e comunidad di Aruba como hendenan productivo y sano.

Clientenan cu no a pasa e proceso di terapia lo mester bay un centro di rehabilitacion prome cu por drenta e cas. E cas ta e prome stap cu e clien-

tenan ta haci pa por para riba nan mes. Den e cas tin un guia y ta opera bao di un estructura estricto di comportacion.

Ta importante pa sa cu e cas aki ta resultado di hopi trabou di boluntarionan, miembronan di e fundacion, y di e multiple donacionnan ricibi. Full e cas ta draai riba fondonan cu companianan, y otro instancianan

a logra acumula y a haya bon pa duna e fundacion Adopt an Addict pa por opera e cas. Tin hopi gastonan ainda cu nan no ta logrando ainda financieramente, pero nan sa cu pueblo ta hopi consciente y ta comprende e problema grandi di adiccion cu tin na Aruba, y cu nan lo por sigui haci nan donacionnan. Por yama na nos hotline 7473094 pa haci bo donacion. Ainda nos mester sosten financiero pa por acomoda ayudo profesional pa e clientenan, manera ayudo di psicologo y psiquiatranan, organisa sesionnan di terapia riba un nivel apropiado. Durante e aña nan por acomoda 17 persona den e cas. No ta tur ta logra pasa e etapa aki cu exito, mientras otronan si ta logra sigui nan bida den comunidad y ta bin regularmente na sesionnan di terapia cu ta ofrece

na e cas como un sosten. Naturalmente e trabou di papia cu clientenan pa bay rehabilita prome ta e stap mas importante cu Adopt an Addict ta haci. Regularmente ta haci intakes cu tata, mama, yiu, y amigonan, pa duna e speransa y guianan haya e yudansa. Por yama libremente na nos hotline 747-3094 y 594-2494 si bo tin un persona cu kier e yudansa aki. Fundacion adopt an Addict ta gradici un y tur cu a dunanan parti durante e aña aki, pa por a logra e prome aña di Cas Speransa. Tur e dunadonan y pueblo en general cu sa di duna e sosten ora mester, un danki di curason. Como fundraising Fundacion Adopt an Addict ta organisa un Bazaar aña di la Reina, 30 april na e Centro di Betico na Sta Cruz. Bini tur pa duna bo sosten. □